



Na osnovu člana 64. stav (1) tačka b), člana 70., a u vezi člana 32. stav (6) Zakona o javnim nabavkama („Službeni glasnik Bosne i Hercegovine" broj 39/14) i člana 18. Poslovnika Centralne izborne komisije Bosne i Hercegovine („Službeni glasnik BiH", br. 29/18 i 25/20), na preporuku Komisije za nabavku od 29.07.2022. godine, Centralna izborna komisija Bosne i Hercegovine je na 37. sjednici održanoj 04.08.2022. godine, d o n i j e l a

### **O D L U K U** **o izboru najpovoljnijeg ponuđača**

- (1) Okvirni sporazum (ugovor) za nabavku usluga – **Štampanja obrazaca za biračka mjesta, izborne komisije i Glavni centar za brojanje i štampanje postera za biračka mjesta i izborne komisije za provođenje Općih izbora 2022. godine LOT 3** dodjeljuje se grupi ponuđača koju čine Javna ustanova „Službeni glasnik RS“, Banja Luka, predstavnik grupe i „Grafomark“ d.o.o Laktaši.
- (2) Ponuda ponuđača iz stava 1. ove odluke zadovoljava sve uslove utvrđene u predmetnom otvorenom postupku.
- (3) Ponuđaču iz stava (1) ove odluke, će biti dodjeljen okvirni sporazum na ukupnu vrijednost u iznosu od **277.376,51 KM bez PDV, odnosno 324.530,51 KM sa PDV**, na period od jedne godine.
- (4) Okvirni sporazum će biti dodjeljen u skladu sa elementima Ponude, te uslovima i kriterijima utvrđenim u obavještenju o nabavci i tenderskoj dokumentaciji.
- (5) Ova odluka stupa na snagu danom donošenja.

### **O b r a z l o ž e n j e**

Postupak javne nabavke proveden je putem ponovnog otvorenog postupka, međunarodni platni razred. Obavještenje o nabavci objavljeno je na portalu Javnih nabavki, broj obavještenja: 794-1-2-118-3-13/22 od 15.06.2022. godine. Primljene su dvije ponude, grupe ponuđača koju čine Javna ustanova „Službeni glasnik RS“, Banja Luka, predstavnik grupe i „Grafomark“ d.o.o Laktaši i ponuđača „Grafika Šaran“ d.o.o. Sarajevo.

Komisija za javnu nabavku imenovana Rješenjem broj: 07-2-16-3-1036-2/22 od 09.06.2022. godine izvršila je pregled i ocjenu ponuda (Zapisnik o pregledu i ocjeni ponuda broj: 07-2-16-3-1036-14/22 od 29.07.2022. godine je u prilogu ove odluke) i utvrdila da dostavljene ponude su u skladu sa zahtjevima iz tenderske dokumentacije.

Komisija je uputila preporuku Centralnoj izbornoj komisiji BiH za izbor **grupe ponuđača koju čine Javna ustanova „Službeni glasnik RS“, Banja Luka, predstavnik grupe i „Grafomark“ d.o.o Laktaši** i dodjelu okvirnog sporazuma **po ponuđenoj cijeni u iznosu od 277.376,51 KM bez PDV, odnosno 324.530,51 KM sa PDV**, koja je povoljnija u odnosu na drugorangiranog ponuđača. Obzirom da je ponuđena cijena veća u odnosu na procjenjenu vrijednost sredstva će se osigurati u okviru ukupno osiguranih raspoloživih sredstava na PPN-u Opći izbori 2022. godine.

U postupku je provedena e-aukcija, ali nije bilo snižavanja cijena u odnosu na početne ponuđene cijene.

Uzimajući u obzir navedeno, odlučeno je kao u dispozitivu ove odluke.

#### **Pouka o pravnom lijeku**

Žalba se izjavljuje Centralnoj izbornoj komisiji BiH u pisanoj formi u tri primjerka neposredno ili preporučenom poštanskom pošiljkom u roku od deset (10) dana od dana prijema ove odluke.

Broj: 07-2-16-3-1063-18/22

Sarajevo, 04.08.2022. godine

Dostavljeno:

1. Ponuđačima
2. Odsjeku za materijalno finansijske poslove
3. Na web CIK BiH i 4. A/a

